

四庫全書

子部

欽定四庫全書

萬姓統譜卷四十八

明 凌迪知 撰

下平聲

七陽

陽 商音藍田周景王少子封陽樊子孫因邑為氏

周陽處父

晉為太傅

陽膚

武城人曾子弟子

陽晝

宓子賤為單父宰過于陽晝曰子亦有以送僕乎陽晝曰吾少也賤不知治民之術有釣道二

焉夫扱綸錯餌迎而及之者陽橋也其為魚薄而不美若存若亡若食若不食者魴也其為魚也博而厚味宓子賤曰善於是未至單父冠蓋迎之者交接於道子賤曰車驅之車驅之此陽畫之所謂陽橋者至矣於是至單父請其耆老之賢者而與之共治單父

陽畢

晉大夫

漢陽雍伯

嘗設義漿給行人三年有一人飲訖懷中出石子一升與之曰種此生美玉并得好婦後

求北平徐氏女為婚徐曰得白璧一雙乃可雍伯於所種處求之得璧五雙以聘名其地曰玉

田生十男皆俊異位至卿相

陽球

泉州人舉孝廉補尚書侍郎遷司隸校尉時中常侍王甫等姦虐弄權扇動中外球奏收甫等

送獄盡
誅之

陽成安

陽成勝

陽成張

見印
數

晉

陽騫

無終人父耽仕慕容氏官至東夷校尉騫器識
沉遠始為平州別駕屢獻安時疆國之術後以

太尉致仕性儉約常乘
敝車脊馬及死無殮財

陽裕

字士倫幼時叔父耽奇之曰
此兒吾家標秀佐時之良也

南陽固

魏文帝時太傅清河王懌舉固除步兵校尉領
汝南王悅郎中令時悅年少行多不法固上疏

極諫悅甚敬憚之憚
大悅以為舉得其人

陽休之

字子烈無終人固子休之雋爽有風藻少勤學愛文藻弱冠擅聲為後來之秀時人為之

語曰能賦能
詩陽休之

陽斐

字叔鸞父藻魏瀛州安東府長史斐魏孝莊時于西兗州督護流人有功賜爵方城伯歷廣平

王開府中郎
修起居注

陽雄

字元略夏陽人累葉豪族父猛從孝武西遷以功封邵陽伯位征東將軍揚州刺史雄起家奉

朝請以軍功封安平縣侯得子孫
相襲拜邑陽郡守累遷平州刺史

陽尼

無終人博通羣籍仕魏為幽州中正孝文臨軒令諸州中正各舉所知尼與齊州大中正房干

秋各舉其子帝曰昔有一祁名
垂往史今有二奚當聞來牒

陽瓚

滑州司馬永和三年魏主燾親督兵攻滑臺城
東北崩東郡太守王景度先出奔瓚獨堅守不
動魏人欲脅降
之不從遂被殺

唐

陽曾龜

撰令圖芝
蘭一卷

陽惠元

平州人為西涼兵馬使朱泚反自河朔赴難
解奉天圍加檢校工部尚書李懷光反血戰

而死贈
僕射

陽旻

字公素平州人祖惠元之死被創墮別井或救
得免歷邢州刺史盧從史既縛路軍潰有驍卒
五千從史常以子視者奔于旻旻閉城不內衆
皆哭曰奴失帥今公有完城又度支錢百萬在

欽定四庫全書

萬姓統譜
卷四十八

三

府少賜之為表于天子求旌節旻開諭禍福遣之衆感悟遂還軍憲宗嘉之遷易州刺史

陽城

字元宗北平人世為官族性孝友敏而好學于書無所不讀及第進士乃隱中條山柳谷之北

後德宗召為諫議大夫言裴延齡不可為相遷國子司業及出為道州刺史太學生何蕃等二百餘人伏闕請留城至州治民如治家歲貢侏儒奏罷之

陽嶠

武后時舉八科皆中累遷左右御史中丞桓彥範袁恕已爭取為御史楊再思素與嶠善知其

意不樂彈評事為語彥範彥範曰為官擇人豈待情樂乎唯不樂者固與之以伸難進抑躁求也遂為右臺侍御史

宋陽孝本

字行先潁縣人博學高行隱于城西通天巖凡二十年一時名士多從之游蘇軾為號曰

玉巖居士贊其真曰道不二德不孤無人所有
有人所無崇寧中舉八行累官國子博士以直
秘閣歸老時李存亦以高年
掛冠日與賦詠號崆峒二老

陽大明

字和甫南康人性資純
朴少從師學劉昂詩

陽從易

晉江人第進士累官侍御史知處州復改龍
圖閣學士知撫州好學彊記激直少容喜別
白是非多面折人
所著有泉山集

陽成復

嘉祐
進士

陽萬徹

南康人慶元
進士宣教郎

陽人簡

南康人開
禧進士

明

陽定國

分宜人洪武
乙丑進士

陽順

南康人永樂
舉人任教諭

陽儀鳳

江西人永
樂進士

陽清

直隸人永
樂進士

陽顯嘉

新會人景泰進士工部員外郎
歷知府有為有守夷民畏服

陽佐

字以道長壽人嘉靖癸
未進士任前府經歷

陽文炳

永寧州人隆
慶庚午舉人

陽光宇

臨桂人萬歷間湖
廣嘉魚縣知縣

羊 河上商音羊舌氏之後盼叔向鮒非魚春秋時始單姓羊

周羊斟 華元為宋卿士殺羊享士而不及斟斟曰疇昔之羊子為政今日之事我為政興入鄭師故敗

君子謂羊斟非人也

羊角哀 燕人與左伯桃為友聞楚王善待士乃同入楚值雨雪糧少伯桃乃併糧與哀令往事楚

自餓死于空樹中哀至楚為上大

羊千 著書

漢羊陟 字嗣祖梁父人少清直遷冀州刺史奏按貪濁所在肅然三遷尚書令以劉寵龐參清亮在公

荐舉升進帝嘉之拜河南尹禁制豪右京師憚之

羊祜

光武以賢士徵與何熙殺諷齊名

羊嘉

隴西功曹

羊續

字興祖平陽人祖祜司隸校尉父儒為太常續以功臣後累官南陽廬江二郡太守討平諸寇

訪民疾苦府丞嘗獻生魚續受而懸之丞又進續乃出前所懸者以杜其意

三國

羊茂

字季寶為東郡太守冬月坐白羊皮夏月坐一榆木板牀出界買鹽豉食之

羊衡

南陽人受知孫權為中庶子事太子登歷桂陽太守

晉

羊暨

陽平太守有治行

羊祜

字叔子續孫累遷尚書左僕射都督荊州諸軍事遠邇悅服吳陸抗嘗稱其德量雖樂毅諸葛

孔明不能過祐上疏力勸帝取吳卒贈太傅嘗遊襄陽峴山後人建碑立廟于上人望其碑輒

淚因名
墮淚碑

羊曼

字祖延祐兄孫任達嗜酒與阮放等八人同志友善並為名士時州里稱阮放為宏伯郗鑒為

方伯胡毋輔之為達伯卞壺為裁伯蔡謨為朗伯阮孚為誕伯劉綏為委伯而曼為黯伯號亮

州八伯擬古八俊
曼官至丹陽尹

羊鑒

字景明太山人父濟匈奴中郎將兄煒歷徐兗二州刺史鑒為東陽太守後討蘇峻有功封豐

城縣侯徙
光祿勳

羊琇

字稚舒仕晉為常侍性奢靡屑炭以酒拌捏作獸形燒之豪家效焉

欽定四庫全書

華文新註
卷四十八

羊固

仕晉拜臨海太守饌客甚盛論者以固之豐腴不如羊曼饌客隨宜之為真率也

羊欣

字敬元年十二隨父為尹時王獻之為吳興守甚愛之欣嘗着新絹裙晝寢獻之入縣見之書

裙數幅而去

羊曇

謝安之甥安與姪賭墅顧謂曇曰以墅乞汝

羊璿之

與謝靈運為四友

羊徽

字敬猷欣弟有時譽被遇于武帝帝謂參軍鄭解之曰羊徽一時偉器世論猶在兄俊恨不識

之累遷新安太守

羊襲吉

狀元之子少時庭中乘涼忽見天開其內雲霞湏洞樓閣參差光明下照山岳襲吉驚懼

逡巡乃閉營吉勤
于書寫乞乞不倦

羊不疑

王獻之為湖州守
不疑為烏程令

南羊玄保

南城人宋武帝時歷丹陽尹會稽吳郡太守
文帝以其廉素寡欲故頻授名郡為政雖無

殊績而去後常必見思不營
財利產業儉薄有清名于時

羊侃

字祖忻梁父人雅愛文史仕魏以勇力聞魏帝
謂曰或謂卿為武宣羊質虎皮乎試作虎狀侃

因伏以扶殿柱沒指魏帝
壯之以功進爵鉅平侯

羊觀

泰山梁父人侃之族
臨徐州辟祭酒從事大中正
武帝之

羊鴉仁

字孝穆鉅平人自魏歸梁封度晉侯侯景攻
臺城鴉仁率所部入援為景所獲以為五部

尚書鴉仁謂所親曰吾受寵朝廷今若此死有餘責久之竟出奔被害

羊敦

字元禮泰山鉅平人性尚閑素博涉書史以父靈引死王事除給事中累遷廣平太守有能名

屬歲饑使人採摛根食之遇有疾苦家人解衣質米以供朝廷以其清白賜穀一千斛絹一百疋卒吏民奔哭贈吏部尚書謚曰貞

羊祉

字靈佑性剛復愛刑名仕魏假節龍驤將軍為秦梁二刺史當官不憚彊禦朝廷以為剛斷每

令出使頗為深文所經之處人號天狗下及

羊希

字太聞南城人少有才氣為尚書左丞劉思道作亂為所殺子崇為主客郎父葬畢不勝哀而

卒

羊烈

字信卿齊文宣天保中累遷尚書祠部左右戶郎中在官咸為稱職除陽平太守有能名時頻

有災蝗夫牙不入陽

平境救書褒美焉

羊愔

以明經授括蒼尉隱于括蒼山一日與青蓮觀道士飲于阮客洞酒中忽仆地七日乃寤云初

見一人自云雲冀邀入洞中石間有物迸出曰此青靈芝也食之得仙愔取食之自是惟飲水

覺身輕日行數百里後入委羽山人莫之見云

羊深

魏孝莊帝時除太府卿初爾朱榮殺害朝士深第七弟侶為泰山太守性麤武遂率鄉人外招

梁寇深在彭城忽得侶書招深同逆深慨然流涕斬使人并書表聞乃下詔褒其忠烈

羊應

魏人

羊瑗

著分王年
歷五卷

羊闡

大中大齊明帝崩闡入臨披髮號慟俯仰憤
憤遂脫地東昏徹哭大笑曰此詔禿狄啼來乎

唐

羊昭業

唐大順中與顧雲同修史時僕射劉子長有
清名求高逢修書為先容謁之雲潛啓書觀

之但云昭業擬將一尺三寸汗腳踏
龍語道無一語及雲雲歎息而已

羊士諤

泰山人貞元初進士累官至宣歙巡官元和
初拜監察御史性傾險坐誣論宰相出資州

史刺

羊百章

著吕氏春
秋二篇

宋

羊與

濰州人
登科

羊瑾

儋州人廬州司戶

元

羊仁

廬江人有母及兄弟因兵南下皆為人所掠仁時年七歲賣汴人李子安家為奴力作二十餘年子安憐之遣歸踪蹟母及兄弟所在仁至其鄉求貸親故歷遍諸家贖之六歲乃得二十餘

口復聚孝友甚篤大德中旌其家

明

羊臣舉

南海人洪武中舉人任給事中

羊致中

醴陵人永樂中舉人任教諭

羊弼

太興人永樂貢士

羊冕

字文中宣德初應貢選高等授陝西延安府同知守職廉慎有聲以他事免歸即不冠服角巾

布袍家無長物意恆裕如會赦冕應得冠服人或勸之則歎曰吾何為者乃因赦冠服邪竟不

冠服其狷介如此

羊覃

處州人正德中應天府經歷

羊可立

汝寧人萬歷丁丑進士

洋

姓纂云海陽人

湯中山商音湯之後以湯為姓又望出范陽

唐

湯靈澈

貞元道人

湯桑

宋州刺史

湯洙詩人

五代湯悅

貴池人父殷有才名悅幼穎悟嘗見飛星墮水盤中掬吞之自是文思日奇仕南唐為宰相凡

書檄教誥皆出于悅後隨其主歸宋為光祿卿嘗奉敕撰江西錄十卷

宋湯允恭

悅之後累官通判常州會有叛兵及境親往其營喻之解去州人獲全遷刑部員外郎能

平反冤獄累遷殿中侍御史

湯巖起

允恭族姪知營道縣有清名秩滿歸治小園為樂澹如也後起通判徽州尋奉祠歸擇居

竇峰有詩五十卷論語義十卷

湯夢觀

萍鄉人崇寧間進士知循州時蠻寇劫掠倚郡不敢入其境自相戒曰切莫犯此老子朝

廷聞而嘉之

湯景仁

廣德人熙寧中登進士第為寧國令以廉介稱邑民名其居村曰湯清

湯東野

字德廣丹陽人靖康中知平江建炎初苗劉之變與張浚同謀弭亂超拜工部侍郎

湯喬年

丹徒人為人慷慨自負博學能文秦檜欲館致之使學官諭意喬年曰是主和議者吾方

為天下讎之寧能出其門乎
後以特恩授韶州推官不赴

湯鵬舉

字致遠金壇人登進士第歷分寧簿晉陵丞當塗令減和買布絹十之六聽訟敏決姓名

狀貌一見輒不忘咸以為神明御史劉大中上其政詔增秩歷知廣德軍饒州江州常州陞本路轉運副使秦檜死朝廷懲言路壅塞之弊召鵬舉為臺官白上黜檜姻黨釋趙鼎子汾及李

益堅王之奇等自便及論董德元附檜為非罷其資政學士累官御史中丞知樞密院事紹興

庚辰知貢舉一洗徇私之弊時號得人卒年七十八謚敏肅

湯宋彥

字時美鵬舉子以祖澤授湖州司戶歷知餘姚通判慶元府浙東安撫司叅謀官性友弟

念兄司諫以使事得罪未復用而卒既已析居推己分良田以益之得任子恩即以官其孫次得任子恩以與長弟之子焉

湯莘叟

字起莘寧化人登紹興五年進士第少好吟詠有馬上吟云宿雨洗山新綠嫩曉風吹杏

殘紅乾沙頭路暖日欲暮行客揚鞭不覺難晚年自述幽居云葛巾簪下無多髮茅舍門前有

好山皆膾炙人口終饒州推官

湯漢

字伯紀安仁人介潔有守恬于進取累官國史校勘淳祐中大水上封事言君心敬肆之分實

上天喜怒之由歷知吉福州隆興府累遷權工部尚書卒謚文清有文集六十卷

湯建

字達可樂清人天文地理古今制度考覈精詳所著有詩衍義講書學者稱義堂先生

湯仲元

字端夫淹貫經史氣韻高逸學詩於周弼浪迹於湖海晚復歸吳有壯遊詩集

湯璫

字君實瀏陽人淳熙中進士累官國子博士時召朱熹為侍講未幾辭歸璫上疏乞留由是見

惡權相而璫之直名亦大聞于時出知常州入為大理少卿進直徽猷閣卒璫負節槩生平奉祠間居之日多于揚歷其屬辭務持大體不為阿曲史稱其有清風峻節焉

湯彌昌

字師言父子授受皆以周禮發解由崑山學教諭歷瑞安州判官致仕生平篤志義理之

學以文名于是有周禮
解義碧山類稿行于世

湯鸞

知萬安軍時南洞王利學
叛鸞討平之民為立祠

元
湯霖

新建人早喪父事母孝母嘗病熱更數醫弗效
母曰唯得水母疾可效時天甚燠霖累日號哭
池上忽聞池中戛戛有聲視之乃水漸也亟取
以奉母疾果愈郡守聞于朝嘉其孝行授臨江

儒學
教授

明

湯和

字昇臣鳳陽人剛毅有智略元末兵起率子弟
歸附從征渡江領兵征伐所至克捷累功至御
史大夫封中山侯加封信國
公卒追封東甌王謚襄武

湯有容

名載以字行自少能文章勇於行義不以利
害為趨避時輩多推服之洪武丙子舉於鄉

教諭廣西恭城再任興安聞兄喪即日疏其情棄官歸養母者七年母曰君恩未報歸久恐有罪於是容復官于容縣時舉縣大疫能染人縣尹彭清中其病梵然一身人莫近之容省視不離其側日令家人具湯粥清得不死人以為難皆曰有容今之庾哀也仕終唐府伴讀

湯宗

未詳何許人為北平按察僉事上言北平按察使陳瑛密受王府金錢有異謀逮瑛謫廣西永樂後瑛召還院窮治建文諸臣多坐夷滅恨宗亦論死

湯鼎

字玉鉉句容人居祖母喪三年未嘗見齒由進士授吏科給事中越五年交趾不奉詔屢侵邊疆上命廷臣舉堪使者僉以公對至彼數宣聖德弗忍加兵歷陳利害之說遂惛服不敢動歸侵地貢大貝南金象齒等物表謝且奉黃金以贖公不納正統間陞通政

湯銘

字德新性穎悟博學有材識洪武中嘗為太學生後通星厯之學舉為天文生永樂二年授欽

天監五

官靈臺

湯盤

字日新烏程縣人永樂中任監察御史正色敢言百寮震竦嘗有武臣暴橫凌轢士類劾置于

法京師肅然

湯衡

贛州人永樂中由中府都事降知昌化慈惠愛民直而不撓時撫黎土官桀驁抗縣深為民害

衡奏聞革去仍統於州縣自後欽戒

湯德

高郵人知蘇州府剛介有為數政嚴明鋤姦去暴而豪猾改行聽訟詳審而刑獄無冤

湯序

字淑彛幼而穎悟通經史星厯之學充欽天監天文生正統十三年差隨總兵官征進有功陞

本監中官正天順元年正月以天象應變奉迎聖皇復正天位特進嘉議大夫禮部右侍郎仍掌欽天監子祚陞錦衣衛正千戶姪賢贊俱陞本衛千戶弟志忠陞南京欽天監監正

湯懋

字汝勉永新人景泰辛未進士歷郎中

湯鼎

字用之安慶人成化乙未進士任廣東道監察御史犯顏敢諫不避權貴時以殿虎目之入祀

鄉賢

湯肩勳

字公讓濠梁人東甌襄武王之曾孫也幼有異質嘗為諸生有激棄去後被薦召對授錦

衣衛千戶坐廢復起以裨將出守孤山堡死之平生好剛使氣近于縱使自憤功名不偶放浪詩酒間程篁墩嘗為立傳稱其詩豪邁奇崛操觚立成名家退避所著有五溪清唱風雅遺音

東谷
等集

湯琛

新建人任刑部主事轉員外郎陞江西按察司僉事未及引年懇乞休致人皆高之稟性剛直

不隨時阿附
為詩文敏捷

湯全

字完之華亭人成化壬辰進士歷都察院右副都御史

湯沐

字新之江陰人弘治進士授崇德縣知縣廉潔勤慎以俗尚奢侈嚴為諭禁興利除害敬教勤學在任六年召為御史歷陞浙江右布政使持與為令時同官至大理寺卿

湯詔恩

字汝承安岳人嘉靖丙戌進士歷布政使

湯賓

字繼寅南皮人嘉靖庚戌進士歷都察院右副都御史巡撫鄖陽等處地方

湯彬

字子雅海鹽人嘉靖丙辰進士歷官按察僉事

唐

晉昌徵音陶唐氏之後封唐侯以國為氏又望出太原

周

唐睢

晉人魏大夫年九十餘西說秦不敢加兵于魏

唐狡

與東王屈原事楚襄王文章齊名

唐舉

戰國人善相

漢唐

方士漢武詔求民間治歷者二十餘人與焉

唐林

字子高仕莽為九卿

唐蒙

唐頌

字德雅番禺人以孝仕為布山令布山在鬱林境中雜以民夷號稱難治頌補以太和不事威

讐挫彊拊柔惠及惇安民感其仁無梗化者後頌卒民報祀之

唐公昉

城固人王莽居攝二年公昉為郡吏誤遇真人授以藥拔宅仙去或云李八百居寒泉山

公昉師事之

唐厲

中尉封斥邱侯

唐珍

字惠伯桂陽人初時聞人讀書即能記誦人謂神童及長天性恬漠寡欲荊州刺史度尚甚稱

重之累官太常司空

唐檀

豫章人通經史善星占教授鄉里漢元初間郡生芝草太守劉祗問檀對曰方今陽道微弱豈

嘉瑞乎永寧初有婦生四子祇復問對曰京師有兵禍發蕭牆果如所占舉孝廉拜郎中時白虹貫日上書陳咎徵棄官去著書二十八篇

唐羌

字伯游補臨武縣長縣接交吐舊獻龍眼荔枝奔騰險阻死者繼路羌上書諫止之

三唐因

字子正句容人脩身謹行博通儒術註國語公羊穀梁傳吳黃武間為尚書僕射

唐湛

泉陵人少有志操魏咸寧初舉茂才拜武騎常侍南平吳楚還授零陵太守境內清晏道不拾

遺百姓樂業

晉

唐宏

泉陵人幼穎悟永嘉初舉孝廉拜殿中郎累遷至尚書大司徒薦舉賢能朝野多之

唐彬

字儒宗魯國鄒人敦悅經史尤明於易教授恆數百人有經國大度仕為廣武將軍與王濬同

平吳封上庸縣侯領雍州刺史

南唐邕

晉陽人明質有才幹魏神武時擢文襄大將軍督護累尚書令後授上開府儀同大將軍

唐永

平壽人祖揣北海太守父倫青州刺史永少耿介有將帥才仕魏為北地太守遷幽州刺史夷

人垂淚遮留隨數日始得出境後封平壽伯子陵少習武藝遷車騎大將軍

唐瑾

永次子溫恭有器量博涉經史仕周官至司空中大夫為六俊之最甚見器重所得祿賜常散

之宗族卒謚曰方

唐獻之

泉陵人南齊時舉秀才官至廣州都督嚴毅公清臨事能斷嶺表肅然

唐儉

邕孫父覽與高祖善儉典邁少繩檢然事親以孝聞佐太宗定天下為天策府長史後累禮部

尚書封
莒國公

唐臨

字本德長安人周內史瑾之孫唐初為萬泉丞有囚久繫臨以方春說令使暫出務農如約而

還高宗累遷
至吏部尚書

唐休璟

始平人舉明經高第高宗時為滁州刺史累遷諫議大夫陳方略請復四鎮又破吐蕃兵

景雲初升朔方行軍大
總管備突厥卒謚曰忠

唐廩

萍鄉人乾寧元年登進士科官至秘書正字集貞觀以前文章為貞觀新書三十卷見唐藝文

志廩有詩十四
首在宜陽集

唐次

字文編建中初及進士第竇參數荐之參被貶次為辨謗略三篇上之後任開州刺史數宣化

理簡易廉平期月
有成三年大治

唐節

玄宗時為縣令去官家于崖下號
丹崖翁元結重之作丹崖公詩

唐求

放曠疎逸方外人也吟詩有得書大瓢中後臥
病投瓢於江曰得之者方知吾苦心耳瓢至新

渠江有識之者曰此唐山人詩瓢也所得十纔
二三題鄭處士隱居云不信最清曠及來愁已
空數點石泉雨一溪霜葉風業在有山處
道成無事中酌盡一杯酒老夫顏亦紅

唐彥謙

字茂業井州人咸通進士僖宗乾符末閩亂
漢南王重榮辟為河中從事歷晉絳二州刺

史後為閩壁二州刺史卒
號鹿門先生有集三卷

唐璿

聖歷中梁州都督吐蕃入寇璿臨高望之謂麾
下曰彼騎雖精不習戰吾為諸君取之乃披甲

先登六戰皆克
築京觀而還

五代唐道襲

梁山南西道節度使會李茂貞寇蜀道襲拒
于青泥嶺下死守之茂貞自是無窺山南之

意

唐景思

秦州人周世宗戰高平得漢降兵數千以景
思為指揮使戍淮上有功領饒州刺史後遷

濠州戰傷重卒
贈武清軍節使

唐萬雅

嘉興人善丹青偽唐李煜好金索書萬雅嘗
學之乘興縱奇因其戰掣之勢以寫竹樹蓋

取幸于一時其為荆檳枝棘翎
毛草蟲之類多得郊野真趣

宋唐肅

錢塘人七歲誦五經登進士為秦州司理有人
夜宿逆旅而同宿者殺人亡去旦起血汚其衣

為吏所執不能明遂自誣服肅為白其寃數日
果得真殺人者仕至龍圖閣待制三司度支副
使

唐詢

肅子登進士除工部員外郎遷江南轉運使擢
起居注出知蘇杭青三州拜翰林學士有集三

十卷子炯熙寧
中為監察御史

唐介

字子方江陵人嘗寓當陽讀書漳水上登紹聖
八年進士為殿中侍御史與王安石數爭論事

不屈疽發于
背卒謚質肅

唐孺

字景仁江華人年十六與計偕皇祐改元登第
易名彥範終陽朔令其弟彥輔彥隆彥材彥經

皆為縣令有聲
人號為五縣公

唐棣

字彥思宜興人嘗從伊川先生學伊川曰入德之門無如大學其次莫如語孟棣自是有所得

纂次伊川語錄百餘條

唐觀

高安人博學著書隱居不仕蘇樂城監酒稅與之為鄰有詩送之

唐翊

字浙師山陰人七齡日誦千言十三能屬文鄉老以奇童目之元豐中進大學較藝居諸生上

聲稱籍籍元祐間人士競工詞章翊堅守經術卒以兩經中第知靈壽時歲大旱翊開河渠溉田數千頃旁渠之田不雨而稔常平吏盜倉粟翊發其姦以能例得遷秩乃歎曰置人於重辟而已受賞可乎乃改從自首律後屢典州郡曹所至皆有事功可紀

唐恪

字欽叟錢塘人以蔭登第累官戶部侍郎徽宗時京師暴水至汴再溢付恪治之浹旬水平因

上疏願謹天戒後拜少宰兼中書侍郎金人陷汴立張邦昌逼取百官推戴狀恪既書名仰藥而死

唐敏求

當塗人宣和中進士調德化主簿盜起敏求挺身率衆捍賊度力不能支諭以禍福賊憤

詆觸諫而前遂遇害事聞贈官補其子楠將仕郎

唐淑問

字士憲江陵人介子也舉進士官至殿中丞神宗以其家世擢監察御史滕甫為中丞淑

問歷數其短帝以為邀名乃詔避其父三司使出通判復州遷知真州

唐稷

字堯弼閬中人開官自號硯岡居士有硯岡居士集胡銓其

事

唐恕

介孫崇寧初為華陽令以不能奉行茶法謝病免歸其弟意方為南陵令亦以病自免兄弟杜

門躬耕恕尋以宣教郎致仕靖康初許翰言其高行詔起為監察御史意亦以吳敏荐召對而

貧不能行竟餓死江陵山中

唐充之

字廣仁大名人博學善議論有幹局監蘇州酒務時朱勔附勢蘇守盛章歆附之充之竟

著憎嫉之迹守不能堪傳致坐罷貧困不能歸寓寶應惟以讀書教子為事

唐績

字公懋零陵人少警敏嗜學能文元符進士為山令復通判鼎州擢福州運判帝諭之曰卿

久歷州縣知民疾苦當遍察風俗以聞績天安脩潔蒞事有方接人以義士論多之

唐庚

字子西丹稜人善屬文舉進士累官承議郎卒庚為文精密學者稱之有文集二十卷兄伯虎

治易春秋皆有家法元祐初其父游瀘南伯虎夜夢收父書有亟來二字明日即裹粮趨瀘南父果病甚見伯虎大驚是日疾少間具舟待父歸

唐重

彭山人少有大志累官京兆府兼經略置制使金將圍城固守踰旬城陷血戰中流矢死初重度不可支以書別其父克臣曰忠孝不兩立義不苟生以辱吾父克臣報之曰汝能以身殉國吾含笑入地矣

唐諫

全州人政和五年舉進士歷官朝奉郎子孝穎先膺里選次受世賞周必大梁克家皆器重之

官至朝請郎知陝州

唐義

字士宣宋哲宗元祐中知齊州提點京東刑獄河北轉運副使屬邑尉因捕盜誤遺火盜逸去

民家被焚訟尉故縱火太守執尉使服義問辨出之方旱而雨

唐儀鳳

宜州人慶元間以特科文學出闕賓州司理叅軍權知賓州後以從仕郎為化州路

推官所至以廉能稱

唐琦

開封人術士建炎四年扈高宗巡會稽會李鄴以郡降金金遣其下號已拜大帥者為知州而

檄鄴為同知琦候已拜鄴俱出懷巨石趣上道旁小閣奮擊之不中已拜鄴執以歸琦大罵不

絕且謂已拜曰吾欲碎汝腦作趙官家鬼已拜氣折曰金兵數百萬汝殺我一人何益琦曰汝

敢來為此州主故欲殺汝又顧鄴曰我請官一石五斗米尚不肯負國汝受國恩何汝所為乃

溺豈人類耶已拜亟命引出殺之罵猶不止後帥傅崧卿為廟祀之

唐允功

字汝賢高安人經史百家無不通貫時號書厨丞相趙鼎嘗書潛心居士四字贈之所著

有飴經
倦錄

唐聞

字識通以世賞授將仕郎為台州郡曹治獄以恕且持正不曲意以阿上有所屬委稍不如法

輒辭職太守劉光以是賢之性至孝初罷臨海令以母高年求丞上虞移遠次以便溫清年四十九而卒

唐開

字華人建炎初第進士通判廣州治績著稱于時叔父貢嘗被誣憤死于獄開詣京師訟冤鄉

人高
其義

唐傑

東安人生兩歲即知孝繼祖母蔣病目失明傑以舌舐之目輒有見劇賊孔彥舟犯邑傑號泣

負蔣冒賊以出賊義而捨之母病剗肉和藥以進即愈父亡以舌舐屍代浴廬墓哀動山谷紹

興間郡守以聞詔付史館賜以束帛

唐容

零陵人博學強記與唐麟樂韶共學俱有大志人號城南三傑後舉進士宰豐城政聲為諸邑

最尋知邕州交趾入寇容提兵討之後隱于建昌麻姑山自號雲壑老人

唐文若

字立夫庚之子少英邁不羣為文豪健登進士第分教潼川府通判洋州遂寧府皆有政

績高宗時召為秘書郎作文思箴及徵收西北人材以固根本深見嘉納出知饒溫漢鼎江州

累遷數文

閣待制

唐則

興安人少以學行稱舉進士歷官至侍郎晚歸築館授徒以身率後進雖極寒盛暑不少倦經

史皆訓詁成一家言二
子叔復叔猷相繼登第

唐俊義

興安人少刻意于學博通經史紹興間第進士廷對以直言無隱被黜朝廷尋悔悟復官

自柳州司理歷仕知
廉州皆以廉靜聞

唐仲友

字與正金華人父堯封紹興間為侍御史論錢端禮坐斥仲友登第復中宏詞科仕至江

西提刑博聞洽識講析經史所著有六經解
皇極經世圖譜兄仲義弟仲溫俱登進士

唐仲展

金華人淳熙十六年為慈谿令撫字勤勞民隱日舒斷獄無冤滯黜吏敬憚不敢姦法既

去民懷
慕不已

唐璘

字伯玉古田人舉進士時臺臣有奏對次官不許論邊事者璘對策極詆之後累官廣東經略

安撫使進太常少卿以內艱哀毀卒璘居官大節母教之助為多史稱之曰古之遺直也

唐閱

字進道山陰人舉進士兩浙歲饑詔以閱為浙東監察使時州縣賑濟饑民因上奏民家不保

小兒遺棄衢路國法三歲以下許異姓收育孝宗可之于是全活甚衆

唐如晦

字幼光零陵人博學無所不通山齊先生易公袞為題其書堂善齋

唐韶

字和蘭谿人嘉熙進士嘗辟沿江制置司督辦公事時元兵在境刺史史巖之使往襄陽勞

師猝與敵遇大戰中流矢拔出復戰敵驚散以功陞知南康軍

唐人鑑

字德明零陵人好學能文楊誠齋始至即與納交一日誠齋假爐焚香以問卜人鑑以小

詩送之曰聞焚爐香要決疑不疑何用卜蒼龜聖人自有韋編在進退存亡豈不知誠齋得詩

大嘉之後築室於州學之西
植竹萬竿誠齋名玉立齋

唐廷瑞

字君祥歙人父大有家僅小腆特好施鄉里人困乏暮夜投鋸粟受施者莫知其名有子

五人皆賢厚讀書廷瑞以禮經預計偕丙辰文天祥榜進士特奏名授福州文學郊恩授迪功郎轉遂安簿知郡錢可則以博洽多聞辟入議幕漕使魏克愚聘充試官士子服其精鑒廷瑞早孤事母朱氏至孝待昆弟恩有容齋雜著一十卷藏于家

唐震

字景實會稽人少居鄉介然不苟交有言其過者輒喜登第為小官所至以公廉稱咸淳中通判

判臨安府歷知信饒州元兵略饒震城守通判萬道同風震降震叱之曰我忍偷生負國邪城破不屈而死

唐珏

字玉潛越州人與林景熙相善同為采藥之行潛拾宋諸陵遺骸蓋宋之遺民云

唐元章

一名太初字子煥韶之弟為文思院官良嗣字昌之韶之子建德軍準簡差遣宋德祐失

國二王南遷元章與良嗣起義興復閩溫州砲手三千為之助時元兵壓蘭溪元章與戰於

黃盆灘破之閩

其將奚達魯元兵閩

嚴州朝廷以元章為朝請大夫知嚴

州良嗣加閣門宣贊武翼將軍江淮閩浙都統兵馬使相持二年糧援不繼戰不利將趨閩以

圖再舉元兵大至元章戰死於龍游白雲寺前元主帥博多以雙虎符金牌招良嗣不從亦戰

死於仙霞嶺元人皆稱曰義士今仙霞嶺上有唐將軍廟存焉

元唐元

字長孺歙人幼家貧阮於衣食長奮迅以詩自鳴與洪焱祖俞趙老為筆硯交時號新安三俊

凡四試明經不利遂薦志古文泰定丁卯始以文學起授江浙省命為平江路學錄再任建德路分水縣教諭陞集慶路南軒書院山長尋以徽州路學教授致仕猶訓迪生徒侃侃講說無怠為文約徐典雅有汴宋前輩風詩則含蓄雋永不作近代人語卒年八十一所著有易傳義大意十卷見聞錄二十帙詩文五十卷

唐元嘉

字德顯元章之玄孫也以進士登第歷官上饒教諭仁和縣丞陞江浙省掾至正末從左

丞達爾罕節制金陵兵敗被執不屈而死

唐頌

字德雅番禺人奉養以孝聞連遭父母喪摧毀幾至滅性逮葬躬負土為墳左為小廬覆以苫

次寢處其中扶服哭踊朝夕捧盥進膳事之如生者凡六年有甘露降于塚樹馨郁靈霽彌月

不巳人或訪頌見白鹿拾食廬次如秦畜咸異之稱為唐大孝頌自是終身衣不純采非祭不近酒肉忌日必齋肅以祭見父母所遺物或經父母所歷輒捧手而泣其篤行之純蓋天性也有司察孝廉仕為布山令

唐子華

休寧縣尹前令貪鄙廢事稅賦不均詭名虛戶雜其間子華一覈正之及重新縣學虞集

黃潛皆有
大紀其實

唐大年

以行省知事攝龍溪尹事實寬以惠下殺以任重吏不敢欺以私民不違其令

唐仁祖

字壽卿遼陽饑奉旨偕錫都往賑錫都欲如戶口大小給之仁祖曰不可昔籍之小口今

已大矣可皆以大口給之錫都曰若要善名而陷我于惡邪仁祖笑曰吾二人善惡衆已的知

豈至是而始要名哉我知為國恤民而已何恤爾言卒以大口給之

明

唐鐸

鳳陽人重厚慎密國初隨侍左右歷任副都御史兵部尚書太子少保僚屬數以事連鐸上重

其德皆釋不問嘗稱之曰鐸自友及臣三十餘載交不知變色口不出惡聲及卒遣官護喪卹

厚賻甚

唐肅

山陰人洪武初為翰林應奉文字號丹崖博學善詞翰與姑蘇高季迪楊孟載並稱于時

唐元亨

洪武中知廬州府招士撫民教化有方深得人心以課最陞太僕寺卿

唐吉祥

洪武中歷葉南陽二縣知縣時徵需百出驛傳旁午吉祥處之裕如雖急遽中未嘗有屬

色

唐之淳

字愚士以字行山陰人肅子少有奇志力學不倦父謫先臨濠辛勤扶老歸葬追求其平

生所作不憚荒遠時時伏讀淒切人為之掩泣洪武中屢有薦之者謝不就詔拜翰林侍讀與孝孺俱領修書事未幾卒所著有萍居稿文斷諸書

唐奉先

京山人洪武戊辰進士為監察御史父本忠坐事繫詔獄奉先上書願代父刑上震怒欲

連坐已而感悟為貸其父遷奉先為前軍都督府經歷

唐仲實

名桂芳歙人狀貌魁偉穎悟絕人建康郡太守聘為明道書院司訓轉建寧路崇安縣學

教諭嚴訓迪起穎廢秩滿遷南雄路儒學學正至正末兵起隱居授徒不復仕進戊戌年我大

祖高皇帝駐蹕徽州延訪者舊守臣聞與姚璉鄭桓俱召對稱旨有樽酒束帛之賜

事載五
倫書

唐復

字復亨武進人洪武進士知餘姚為人直方斷擊無滯拊循小弱甚著恩愛仕終平樂知府

唐子清

沛主簿也不知何許人在沛有善政民愛之顏知縣守沛專調兵食一切邏察事皆付子

清北平兵執子清欲殺之將兵者欲且留子清不屈死

唐禮

歷官都指揮北平兵起盛將軍以徐凱敗於滄州引兵出德州營於東昌禮素稱戰將騎兵殿

後而以孫霖為先鋒營滑口北平兵夜襲破之擒禮霖遁走

唐泰

侯官人洪武中登進士授行人擢浙江按察僉事永樂中陞陝西按察副使卒泰善聲詩與黃

濟輩號閩南十才子所著有善鳴集

唐珣

字臣魯華亭人天順丁丑進士知合州興學勸農盜賊解散後知福州府時中官汪直用事有

尉士假其名以脅郡縣珣獨知其偽將執之衆謂不可珣曰直且不可況偽乎果得其奸累官

右副都御史巡撫兩廣南蠻弗靖直擣岳穴斬獲萬計未久卒于官

唐舟

字汝濟瓊山人永樂甲申進士初授江西新建知縣未三年陞按察司僉事左遷衢州府通判

未幾以事去用大臣荐為監察御史風節愈勁出按浙江所至多政譽為人胸次坦夷光節明待已接人任真自約敬歷中外餘三十年嘗題門壁曰雪霜自染中年髮天地應知慕德心見者

嘆服子亮舉進士任寧國府同知

唐彬

字質大山陰人景泰間時總兵官石亨擅

橫廷臣無敢議之者彬拜監察御史

抗章論劾其罪謫官平薌及亨敗召還職持節
按八閩嚴重清肅事必舉綱紀繼巡陝西其風
裁亦如在閩癸未監會試試院火再謫知新喻
未幾擢山東按察副使益貞憲度屬府倅以賄
敗托權要求倅免彬卒寘諸法以
考績便道之家歷貴州左布政使

唐瑜

字廷美上海人景泰辛未進士歷都察院右副都御史

唐孟元

龍溪人正統戊辰叛賊寇掠郡邑多脅良民
從亂孟元洎其弟孟遠與衆誓曰吾黨俱良

民豈可從賊比賊至孟元兄弟先率衆據橋拒
戰賊不得進孟元乃告其弟曰爾可去以奉先
祀我當以死敵之孟遠曰
吾兄方危急吾何忍去

唐豫

字用之南海人父奎號唐書櫃豫生而穎悟性
剛介無論曲交友克盡義尤篤於孝作蓼莪亭

以寓孝思隱居授徒自號樂澹與周祖生祖念
劉子羽何淮劉子高友號平步六逸皆德行尊
嚴衣冠嚴肅
為世所欽

唐章

字宗明獻縣人成化丙戌進士歷太僕寺卿

唐誼方

本名遜以字行瓊山人篤儒學有古行國初薦授廣州訓導稱為長者孫舟歷官內外臺

誼方移書訓之曰勿憂吾有病且喜汝無錢舟卒以清節鳴時

唐海

字克容歸安人廉抱迥立執矩矱以申展案雖權要不少偕部曹歷守郡二十年家無拓子未

仕郡民祠之

唐賢

字周忠武進人弘治庚戌進士歷給事中

唐澤

字沛之歙縣人弘治己未進士
歷都察院右都御史謚襄敏

唐敏

字學志山東人號寒碧居士資性穎捷年十三
即能背誦五經正傳善屬文既長博極羣書以
葩經領鄉薦歷任浮梁寧津棲霞汶上四縣教
諭兩典江西河南文衡所著有詩經闕

要覽寒

闕
稿藏于家

唐

闕

字平侯瓊山縣人弘治壬戌進士授
戶部右侍郎上疏忤旨被杖削籍隆慶

闕

元贈

尚書

唐寅

字伯虎一字子畏吳縣人少有雋才性豪宕家
貧不問產業好古文辭與京兆祝允明博士徐
禎卿內翰文徵明友善尤工四六嘗舉南畿鄉
薦第一聲稱籍甚會試禮部衆擬卷當首選伯

虎亦自負江陰徐姓者通賄考官家人得其節目以示伯虎且倩代草文字事露逮詔獄掠問無狀竟捨他故論發為吏歸吳中益自放廢縱酒落魄所著述多不經思

唐勳

字汝立歸善人正德戊辰進士授靖江知縣平賦息訟弭患興學崇墉濬渠政聲赫然改知休

寧其政如靖江嘉靖癸酉饒寇逼休寧出死力禦之既散復聚時適報政去聞之亟還率壯士與賊遇于黃茅奮擊幾盡南畿列郡倚為長城相與立祠祀之紀功使上其事徵為河南道監察御史未幾乞養親終起補陝西道監察御史巡視蘇松鹽屯屢疏言留都倉場屯田及宦戚賜予差遣諸事上多采用焉素多病請告歸卒

唐鳳儀

字應韶邵陽人事親恤族內行純備正德戊辰進士授行人拜監察御史出按蘇松浙江

風裁凜然不避權勢擢應天府丞進僉都御史
巡撫四川上疏救荒止征勦擒獲沙保振旅息

兵蜀民大悅尋
丁母憂以疾卒

唐皋

字守之歙縣人正德甲戌
廷試第一歷翰林院學士

唐龍

字虞佐蘭谿人正德戊辰進士授剡城知縣陞
御史仕至吏部尚書削籍復職贈太子太保謚

文襄子汝楫嘉靖庚戌進士
第一仕至左春坊左諭德

唐天恩

字堯仁常熟人舉鄉貢知葉縣劇賊劉六劉
七擁衆壓境天恩登城奮戰生擒百餘人戮

之賊怒圍城援兵不至城破被執一門死
者六人後贈光祿少卿廕其子為太學生

唐時英

字子才平夷衛人嘉靖己丑
進士歷都察院右都御史

唐國相

字舜舉大興人嘉靖壬辰進士歷通政

唐穆

字景文胄子瓊山人嘉靖戊戌進士歷布政司左叅政

唐順之

字應德武進人嘉靖己丑會試第一二甲進士授翰林院編修歷春坊司諫以上言罷歸

潛心理道家食二十餘年己未以知兵荐起兵部主事歷通政巡視兩浙禦倭海上歷淮揚巡

撫右僉都御史卒于官順之博學通古今練達經濟為世名儒士林高其德行文章無不欽仰

特晚年晉用人每有疵議云所著有荆川文集史纂左編文編雜編左氏始末等書行於世


唐樞

字子鎮歸安人嘉靖丙戌進士刑部主事嘉靖初上言罷歸安人嘉靖丙戌進士刑部主事嘉靖

學多宗之所著有木鍾臺三集年七十九卒祀于鄉賢

唐志大

字子迪上海人嘉靖辛
丑進士歷行人司副



萬姓統譜卷四十八

欽定四庫全書

子部
萬姓統譜卷四十九

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣楊鷹

欽定四庫全書

萬姓統譜卷四十九

明 凌迪知 撰

下平聲

七陽

方 河南商音周大夫方叔之後風俗通方雷氏之後

周方叔宣王卿士征伐獫狁有功

漢方儲字聖公歙人其地在今淳安講孟氏易精通圖識建初間舉賢良方正對策為天下第一拜議郎轉洛陽令後追贈尚書令封縣侯世傳其仙去兄儕弟儼俱有學行

方與公

趙人謂周昌曰君之史趙堯奇士君異之且代君之侯後果揣知帝憂趙王意卒拜御史

大夫

方賀

闕

方儕

淳闕

弟儲儼以孟氏易自相講授儕為南封關內侯儼為大都督俱以文學重于

時世傳其昆弟皆為仙蓋出于附會云

晉

方操

字持志淳安人磊落方正英秀雄偉孔羣嘗奏操執心正直積德慈仁累官至諫議大夫尚書

僕射封上虞縣公

方望

魏賈將軍

南方回為盜所劫閉之室中回化而去仍以一丸泥封其戶以方回印之

唐方元蕩旌德人永貞初授冠軍大將軍元和進御史大夫封河南郡王以兵從征吳元濟有功

詔嘉之

方竦弋陽人景雲初進士累官鸞臺侍郎開元間封禪為禮儀使容止閒雅玄宗嘆其知禮封雲亭侯

方亮雒山人初汪華據歙稱王睦州已為歙有及武德四年杜伏威命王雄誕平歙而復睦州用亮

為刺史武德五年八月使亮持節領廬申二州諸軍事亮當唐初嘗不因朝命為刺史其後納土歸化免其鄉里屠戮之苦誠節彰著可嘉也

方干

字雄飛，桐廬人。咸通中舉進士，不第。隱鏡湖上，時徐凝有詩名，一見干，器之，授以詩律。干貌頗

陋，又免闕而喜，凌侮嘗謁廉帥，誤三拜。人號方三拜。晚遇醫補其唇，又號為補唇先生。其詩多

警句，門人私謚曰玄英先生。

五代方昊

字太初，淳安人。生于唐末，唐亡，耻非所仕，遂隱巖谷中，聚徒講學。于上貴精舍以終其身。鄉人

化之，稱為靜樂先生。宋咸淳八年，乃就上貴寺建祠焉。

宋

方偕

字齊古，莆田人。祥符進士，知建安縣。縣產茶，每歲先社日，調民數千鼓譟山旁，以達陽氣。偕以

為害農，奏罷之。歷知杭州，有能聲，遷光祿卿。

方綱

青陽人。八世同爨家，屬七百口，居室六百區。每旦鳴鼓會食，嘗出穀五千筭賑貸貧民。景德初

詔旌其門

方慎言

字應之莆田人咸平進士為侍御史丁謂貶命籍其家得士大夫書悉焚之不以聞知泉

州大發倉廩以賑民全活者衆歷知廣州

方仲謀

青溪人嘉祐中進士累官殿中丞工于詩有雉山集二十卷

方逢辰

字君錫淳安人舉進士第一累官兵部侍郎除吏部尚書俱不拜遂不復出授徒講學所

著有諸書解易釋闕弟逢振檢閱翰林文閣

者稱蛟峯先生

司門事

方元寀

字道輔莆田人嶠從子少與程頤同游潤學書問往復至數十紙有曰足下非混俗之流

其志道之士又曰老夫怕執筆非吾故人不復作此書仕終宣義郎威武軍節度推官

方嶠

字次山莆田人景佑初第進士歷知循州陰察
不法吏數人流之郡中肅然移潮州民喜曰循

州方君也不教而服兩州皆為立祠

方次彭

字公述興化人皇祐初進士出知梅州民甚
愛之在州六年兩被褒詔元祐初賜三品服

引老歸從弟公衮元豐中進士嘗以布衣被薦
條奏十事神宗嘉納之從子醇道知南劍州以
諒謹自持有杜陵詩評十卷

方慎從

字惟之慎言弟也景德二年登進士甲科授
秘書省秘書郎歷知弋陽懷寧同安懷安導

江蘭溪六縣通判饒州荆南府知潮漳嘉三州
再知漳州改都官郎中以老歸卒慎從所至有
德於民在導江日有楠木連理嘉禾九穗之祥
璽書褒異守漳日適慎言守泉州旌麾相望二

州人榮之及再至漳人夾道歡呼曰吾父復來矣子諫臣侍慎從官于漳手斷合水孽蛟死漳人憐而祠之得封清水侯

方澤

字公悅宋神宗朝守鄂渚有題南樓畫閣詩山谷過之登樓次其韻二篇又作詩寄公悅末云

庾公風流冷如鐵誰其繼之方公悅

方圭

好為惡詩仁宗朝宋庠知揚州圭來謁燕于平山堂圭誦詩不已適見野外有牛就木磨庠謂坐客朝諛曰青牛恃力狂挨木誠應聲曰妖鳥啼聲不避人圭悟其意飲散擊詖

方价

初名儼慎從孫熙寧六年進士大觀初知安豐縣用薦召赴都堂審察蔡京以价不肯私謁報罷復知侯官縣已而掛冠里居二十餘年終曾孫禧為殿中侍御史初慎從在嘉州手植荔枝

于郡園賦詩有留取清陰待子孫之句至大觀中禧持節按蜀部學嘉父兄擁車誦慎從詩為賀

方叔完

嶠之子也宋元豐中補知侯官縣民以築港

吾為令豈私吾民耶乃命改築時曾輩以文章學術帥郡於人少與可叔完獨為所信任檄權

節度推官且上薦之移知祥符縣

方君式

與毛國華從東坡遊西詩刻于石

方山京

字闕

人後居餘闕進士第一除僉

京舉為策問極言內帑之私公田之擾因被劾罷歸安貧樂道度宗登極召之不起

方宙

莆田人僑之子熙寧中進士召對除司農丞章惇蔡確蔡京交薦將處以臺閣宙耻之力請外

補得京西提舉常平奏乞給還程頤舊田范鎮子百揆在謫籍中皆為論奏官至轉運判官

方惟深

字通泉泉州人鄉貢第一試禮部不中即弃去躬耕博學以雅道自娛每一篇出人爭傳

頌文學行誼與朱長文同為一世所宗屢徵不就

方适

字彥周元符中以特奏對策乞復元祐皇

方蒙

字逢原桐廬人與弟鼎俱登進士第而蒙尤有聲元祐間為殿中侍御史三子元修元若元矩

皆有材名元修為州判元若為右史元矩亦典郡

方閭

字彥和淳安人年十八請鄉舉與從兄閔弟聞同業太學每試必迭為之魁一日閭與閔方食

竊忽一士子來曰一枝西子臂前一夕兄弟皆夢有告以七竅比干心者於是同聲對之士子取几間韻畧詢其姓名而書之曰特賜進士出身方知為徽宗臨幸歷右文殿修撰至金紫光祿大夫

方聞

字彥直閩之弟也年十五領鄉舉徽宗幸太學賜策問得聞所對御書詞翰俱優四字遂賜釋

褐歷太僕少卿至銀青光祿大夫

方致堯

莆田人宋建炎中叛將戚方寇寧國致堯糾率鄉兵伏石嶺隘處以待之賊至兵稍交因

以計陷賊于淖田大破之傷其白馬貴將致堯亦中流矢臥不能起賊益兵至遂為所執方知其勇欲用以為將致堯罵曰我豈從叛賊反耶賊斷其首而去紹興中邑令李椿上其事賜謚

義烈詔立
祠祀之

方公袞

字汝補次彭從弟也元豐初用薦者以布衣

上殿條奏十事曰教太子舉實才獎清吏擢
恬退禁鼓鑄嚴茶商恤民困寬州縣減丁錢益
戶口神宗嘉納命以官為潮州教授復登元豐
二年進士擢諸王宮教授與韓魏公相從最密
魏公語會公亮曰方公袞論事剴切正而不阿
立己公忠清而不撓豈多得哉公袞嘗

錄韓言行曰魏公遺事年未五十卒

方閔

淳安人與弟閭聞同居太學每試必迭為之魁
時人語曰兩浙三方天下無雙閔仕至判南京

國子監閭歷右文殿修
撰致仕錫號龍亭居士

方會

字子元莆田人熙寧中進士帥越州凡五年越
人安其平易之政政和中拜給事中歷工部侍

郎以寶謨閣待制試太子詹事

方喜

字良翰提舉臨之孫辟燕山工曹掾燕雲陷敵令一時陷沒者悉易告喜南望竇涕盡取出身

文字焚之惟留承奉郎告喜變姓名攜數稚間道歸給與講好防禦少弛喜變姓名攜數稚間道逃歸抵廬江邊守以聞得旨特轉一官改差泉州監稅比還家鄉人環視歎息以為換世人形之歌詩至比蘇屬國言其在燕十九年也後通判廣州終于官

方軫

莆田人為太學齋郎疏論蔡京睥睨宗社內懷不道且言忠義之士投匭者無日無之京分為

邪等黥配編置又使子攸日以花石禽鳥為獻知京必有異謀京怒流軫嶺南

方元修

字時敏桐廬人侍御蒙之子也自幼有詩名政和初審察監大觀庫後通判濬州嘗同呂

居仁趙才卿入大名幕其詩善鍛鍊視玄英益無愧初見梅花云北枝風力顧不蚤東閣詩情

聊一新尤為人所稱誦

方庚

字彥通淳安人宣和間擒臘寇破烏珠累著忠義授承信郎子五人文燧文博文郁文思文韜

俱授承信郎子五人文燧文博文郁文思文韜義校尉知桃源庫務

方逢嘉

字君會淳安人領漕薦任無錫尉調轉船兩倉司事凡知者累以文學政事公廉明敏薦

俱辭不就歸隱於馬巖山號巖隱

方曄

字聖時永嘉人父端以文行為歐陽公所器重曄生未曄而孤力學苦行敝衣糲食處之裕如

自號愚迂翁其友朱敏功贊之曰顏子之愚仲尼之迂既愚而迂斯名不違大觀初詔舉行義

郡以睦應選固辭不就林季仲志其墓

方有開

字躬明淳安人紹興中進士官至戶部侍郎每奏對輒陳恢復大計歷官中外必求其盡

職

方慤

字性夫桐廬人性至孝父死廬墓喪畢不歸政和中領鄉薦覃思積年解禮記集解書成獻之朝詔頒其書于天下及居官所至以剛廉稱家置萬卷書堂雖耄年不釋卷朱熹嘗曰方氏禮

記解儘有說得好處

方疇

字耕田弋陽人建炎初進士紹興改元上書言四宜憂十宜行一宜去又言擇宗室為儲貳除

刪定後為建康通判卒有文集二十卷

方玠

字純仲壽昌人登隆興元年進士第與東萊呂祖謙為同年友歷官至信豐知縣周必大趙汝

愚皆嘗薦其才行

方祐

字天貺慎從曾孫為人恭約好禮嗇己厚人高價買產賤價糶廩值荒歲則傾困無吝色每幅

巾野服徜徉道旁野叟村童歡喜出迎曰長者來矣飢食寒衣病藥死棺人人滿意其孫萬少時讀書至己所不欲勿施於人祐語之曰此吾平生受用得力處小子識之祐之存心如此故時人以長者稱之年七十二卒葬福平山後人因以福平長者為號云

方豐之

號北山紹興名士也有絕句云舍人早定江西派句法須從活處來

方廷實

字廷美莆田人政和進士紹興中拜監察御史剛直敢言極論和戎不便尋竟淮北宣諭

使見諸陵發掘涕泣不已秦檜使謂之曰見上幸毋及他事及對俱以所見言之高宗涕下沾襟檜怒出福建提刑至官首上言贖胡銓之罪檜並銜之遂請老

方滋

紹興中知嘉興府急吏寬民百廢具起始改建州學於通越門內其清名雋望為時所重

方絢

字君素子容之子篤學力行好為古文尤工詞賦壯年嘗一再至京師然實非其志晚年部使

者以八行舉辭不就工於書篆詩亦清婉尤喜集古嘗隱居西山草堂門人號曰濯錦先生

方秉白

字直甫號草堂與其羣從秉侯同時隱居教授林光朝方翥劉夙及其弟朔諸名士皆其

友也孝宗朝憲臣以孝廉薦不起傳家惟書數厨而已郡守趙彥勵嘗辟修蒲陽志後以子阜

鳴恩贈朝散大夫有草堂文集

方漸

莆田人知梅州所至以書自隨積至數千卷皆手自竄定就寢不解衣林光朝質之答曰解衣

擁衾會有所檢討則懷安就寢矣增四壁為閣以藏其書榜曰富文子孫相傳為富文方氏

方翦

字次雲元窠之孫從兄畧為廣東轉運副使作萬卷樓儲書千二百筭語翦曰次雲才性不出

戶十年可移吾書入肝膈矣翦既第不涉仕途凡十八年盡讀之朱熹過莆謁翦甚禮敬之官

至秘書省正字

方壬

字若水元窠曾孫淳熙中游太學往返建安必叅謁朱熹擢第為漳州長泰簿時熹為守辟壬

主學條上講說課試差補等十事熹令諸邑倣之每見民間疾苦悉別白為熹言之後熹召還

出大學章句俾刊示學者

方士繇

字伯謨莆田人從熹游聰明絕人持以謙厚嘗累試場屋不利弃舉子業專以講學授徒

為事六經皆通尤長於易嘗勸熹少著書以熹教人讀集註為本

方耒

字耕道莆田人元案曾孫少孤貧苦學游建安叅謁朱熹乾道中登第為善化尉因見張栻栻深喜之謂世之可與共生死同禍福者耒一人耳後栻帥荆南奏耒及游九言為屬曰是人能攻臣過失歷仕著

廉直聲終連江令

方大壯

字履之迤姪孫少好學不踐場屋專心求道朱熹至莆大壯舉所學就正焉得其親傳面

命之懿日與同志講明自號履齋熹為書其扁子大東孫澄孫曾孫公權玄孫德至連四世登科

方恪

字德奎淳安人領鄉薦仕為閩校理耿介自持時權貴忌之乃弃官而歸

方阜鳴

字子默嘉定初任泉州僉判時真德秀為守阜鳴嘗謂減門刺史破家縣令此衰世事古人惟曰豈弟君子民之父母而已德秀擊節歎賞在官清儉秋毫不苟取每以其仕晚用小為

恨

方大琮

字德潤莆田人開禧初進士為御史嘗上疏謂必先明綱常則天道好還可以永天命定

國勢大琮色爽氣溫平居言不出口至立殿廷爭是非論可否雖責育不能奪卒謚忠惠

方崧卿

字季申廷實從子擢隆興初進士知信州上饒縣潘時為常平使者以崧卿政績聞得旨

都堂審察通判明州秩滿知南安軍律身廉蒞事勤平易得民移知吉州罷米運力勝錢歲萬

餘緡減放諸邑月斛錢歲六萬八千緡作六一
堂於郡治東北隅祀歐陽文忠公搜遺墨八卷
刻石其中除廣東提點刑獄以二廣去朝廷遠
權攝冒濫者衆力請痛革之一路肅然徙京西
轉運判官卒崧卿自治嚴接人和平居常以寧
人負我無我負人之語戒飭子弟所得賜祿半
為抄書之費家藏書四萬卷皆手自校讎嘗校
正韓昌黎文集又譜其經行次第為韓詩編年
五十卷

方信孺

字孚若莆田人崧卿子信孺有雋才能文以
父蔭補番禺縣尉以近臣薦使金歲三往返

以口舌折強敵金人計屈情見後知真州築石
堤二十里人莫知其故後金犯真州城賴以全

方孚若

新居成劉後村賀以詩云按行花木皆寮友
主掌湖山即事權寧宗朝為寺丞終寶慶知

府

方之秦

字嚴仲壬之孫紹定中第進士歷英德府教授課試畧如中州士習一變方大琮為閩漕

辟幕府與洪天錫徐明叔號三賢幕遷知長溪縣終袁州通判嘗裒拾其外祖林老朝遺藁為

卷二十

方蒙仲

名澄孫以字行大東子少能文落筆若宿構者淳祐七年廷對萬言終始欲聚君子以續

國氣脈明公論以強國精神又請立涪陵後鎬秦檜子孫竄史嵩之以謝天下擢甲科為邵武

軍學教授辟淮西制置司叅議官適敵渡江治法征謀悉咨之而行敵退知邵武軍立樵川書

院以廣教養郡最聞增一秩尋以秘書丞召卒蒙仲初年挾才乘氣既乃務為謙和一時諸賢

皆折節與之友方大琮王邁劉克莊尤愛厚之
始以文字見知賈似道及似道相蒙仲獨求外
補自效終其身

方輓

字叔行平江人資稟凝重李弘齋教授岳陽輓

舉業從事根本之學時友人方明甫以才行歷
聘諸召輓戒以聖學詳于為己不專為人自是
明甫不應辟召輓平生未嘗疾言遽色家庭雍
睦子弟肅如僮僕亦知守禮四方慕德而來者
戶外履常滿叅政魏了翁嘉其學行名
其室曰學齋知饒州朱寅孫誌其墓

方暹

字明甫平江人初師李弘齋黃勉齋與饒伯輿
張元簡趙思恕皆同門友元簡九江人嘗遺書

曰伯輿明理而遠於事明甫見事而中於理吾
嘗以斯道望伯輿而以斯世望明甫也淳祐間

朝廷詔諸帥臣舉節行才識之士時孟珙帥荆湖董槐帥湖南皆以還應詔明年特旨免文解一次進解不受珙復奏既不錄以官宜賜以處士名以示國家優禮賢才之意疏入未報而還卒學者稱為連雲先生

方逢振

字君玉蛟峰先生之弟也登景定三年進士第歷官史實錄院檢閱文字遷太府寺簿宋

亡退隱于家元世祖詔侍御史程文海起為淮西北道按察僉事辭不赴聚徒講學於石峽書院以終焉學者稱為山房先生

方一夔

字時佐淳安人號知非子幼承家訓壯與何潛齋諸老游學問該博行誼醇篤累科弗利

後應薦領教郡庠未幾退隱富山授徒講學門人稱富山先生所著有富山遺藁行于世

方岳

字巨山號秋崖長于詞翰有小葉行世方澄孫序之云奇奇怪怪之文如其人磊磊落落之氣

如其文理宗朝兩為文學掌故官中秘書出守康廬秀水二郡

方演

字景行大琮子咸淳初知建昌軍以鹽酒息鐵錢代納民稅于街道橋梁無不修葺而民

不告勞政
化大行

方公權

字道立以遺澤補將仕郎擢咸淳初第先是蒙仲臨終以世業勉公權果以詞賦魁福建

漕試自題一聯曰一身擔得烏山起雙手拿將龍岡歸烏山蒙仲號也公權歷廣州教授太常

寺主簿以歸景炎間興化再被元兵甫罷屠戮故闕衣冠求見元帥索多公權獨以大義

責之索多反降勢禮遇然公權竟不仕卒平生著述甚富時稱石巖先生

方應發

字君節幼孤感奮自立稍長有文名第淳祐庚戌進士授臨江軍教授累遷宗學諭史館

校勘差主別頭試時相丁大全有密客力囑以子峻却之坐以言者漆差淮東安撫司幹官召還除太學博士董宋臣方用事應發與學官徐庚金等六人伏闕言之且曰宋臣不死臣等無生不報補外漆差通判建寧府召除國子監簿時賈似道為相遣其幕客諷應發為文以獻壽不答坐以言者罷去起知潮州適潮陽盜起應發急赴郡招撫皆帖服聽命知漳州漳賊尤猖獗聞應發威名皆投戈效順德祐初除國子司業累擢右文殿修撰出為浙東提舉景炎時為刑部侍郎累陞禮部尚書以端明殿學士充福建招捕使宋亡後十年卒應發以文章進身而排難折衝尤有過人者平居孝友仁恕恩意藹然當事剛果決烈有奇男子風

元

方貢孫

字去言祁門人宋吏部岳之姪穎悟聰拔登進士第授金陵監官倉出納均平吏白取雀

鼠耗口汝曹無耗何患雀鼠迨監鎮江酒庫以歸咸淳末祁門令董更生過郡薦于朝俾貢孫

領縣事元至元十三年為縣尹有游軍迫境丞請鎮守王萬戶驅捕鄰縣寇作省委富珠哩敬

未幾至玉石俱焚賴貢孫之言而免他縣棟灰塗血此獨闔境完聚省刑罰均稅賦民受其賜

暑又授撫州路府判改興國路在任七閱寒暑日用飲食之物自其家轉致又改建德路

方道齋

字以愚淳安人逢辰曾孫仕為翰林編修官累遷江西行省員外郎所著有春秋集說詩

說文說愚
泉詩稿

方時發

網之後十一世同居至時發克世其家以孝義旌之後起為潮徽二州教授

明方必壽

巴陵人洪武乙丑進士初知宛平以政績著尋擢北平太守歷陝西按察使操履堅確赫

然有聲子廷玉克紹厥緒登永樂乙未進士歷官浙江布政使裔孫純登正德辛丑進士歷知

華亭內黃清苦練達召拜監察御史舉劾方面不避恩讐擢大理寺丞

方徵

字可久大琮六世孫洪武五年鄉試第五明年授給事中兼故齊王府錄事蒞官恒思效職志

節甚偉七年三月太祖皇帝一日因晚朝謹身殿退顧徵問知有母在次日賜白金五十兩給

驛歸省期秋而還九年奉旨廣西徵行復命轉監察御史月餘陞懷慶知府時因星變求言徵

條上數事首言風憲官以激濁揚清戢弊興利為職今乃計其業績多寡定為優劣故其巡行

之際不聞旌拔廉能專務羅織人罪多徵賊罰以為己能此大患也上韙之

方定

字志安淳安人號止軒博學善吟咏洪武間以詩經領京闈鄉薦分教東平州轉海州預修永

樂大典陞長泰縣學教諭所至造就有方足範後學有止軒稿性淳謹不遺小節惜不至大位

詩多警句嘗慕陶弘景之愛松風自號聽松道人

有聽松集若干卷藏于家

方槐生

字時舉莆田人通春秋詩書三經善講說為文詞元季不仕與友人結壺山文會洪武初

薦克興化府儒學訓導嘗修莆陽人物志

方賓

錢塘人洪武中太學生歷官郎署有聲永樂中累陞兵部侍郎終本部尚書才識通敏名重一

時云

方文

洪武中知武進縣設再思亭于縣門左手自條陳憲章令訟者讀誦及以理省諭無情者多自

悔而止一時
姦弊大革

方克勤

字去矜寧海人知濟寧府事考績為天下最

之上疏言狀詔御史楊某按之楊程故人也潛

索克勤過事無所得乃誣以嘗問中炭筆遂

就逮士民數千填道隨行數百里竟歿于京師子孝聞孝孺

方孝孺

字希直克勤仲子也少從宋濂游濂見其文

大顯天願輸壽以延之居常末視文藝以明王道闢異端為己任其所著作多先哲所未發者

洪武中召至京上見其舉動端肅謂皇太孫曰此莊士也當老其才以輔汝授漢中教授蜀獻

王處以賓師號稱正學先生云後為翰林博士尋進侍講皇太孫即位召為文學博士北平兵

起日召謀議詔檄皆出孝孺手兵既渡淮及江
上畫策堅守誓死社稷建文君遜去文皇以姚
廣孝言召用孝孺不肯屈繫獄一日遣人諭再
三終不從又召孝孺草詔及見悲慟徹殿陛上
降榻勞曰先生無勞苦余欲法周公輔成王耳
孝孺曰成王今安在文皇曰渠自焚死孝孺曰
成王即不存何不立成王之子文皇曰國賴長
君孝孺曰何不立成王之弟文皇又曰先生無
過勞苦命左右授筆札又曰詔天下非先生草
不可孝孺大批數字云云投筆於地又大哭且
罵且哭曰死即死詔不可草文皇大怒命磔諸
市孝孺慨然就戮洪熙初仁廟嘗謂羣臣曰若
孝孺輩皆忠臣也
隆慶改元敕祠

方政

全椒人勇畧過人永樂初以戰伐功歷陞都指
揮宣德中克總兵官鎮守邊方累進右都督征

麓州沒于陣追封
威遠伯謚忠毅

方瑛

政子有謀勇以父蔭提兵破賊寨歷陞都督僉事鎮守雲南復以平苗功陞右都督克總兵官

鎮守湖廣貴州累封和侯卒謚忠襄

方鯉

字廷訓大琮七世孫永樂間登進士第為監察御史風采凜然陞彰德知府改紹興府皆以嚴明蒞郡號良二千石正統中致仕行義尤為鄉邦所敬服

方振文

字尚質婺源人潛修內植樂恤貧乏有司屢徵不就初思本橋以濟往來平居類選聖賢

格言一編斷以己意名曰積善字訓孫月同字克正以春秋經遊郡庠年六十六中永樂乙酉鄉試己丑中會試乙榜例授教職不就入國學而卒

方昶

字仲年淳安人登永樂二年進士第授行人從英國公征南交有功陞平原縣知縣為治簡易

愛民嘗為賊所執民相率入賊中曰奈何執吾父皆泣下賊憐而還之陞滄州同知調滁州致

仕卒
于家

方淵

字宗源淳安人明尚書臚詞藻累試場屋弗利每遇門人先著鞭必喜形于色若己有之人有

難之者輒引范魯公語曰賦命有疾徐青雲難力致非矯也素性如此後以太學生授鳳陽蒙

城令慈祥豈弟一以愛民為主其廳事四壁徧書先正格言以自警民多德之秩滿引年致仕

卒于家所著有龜鶴山人吟藁二卷貽晒藁二卷

方熙

字孟明鯉之族叔宣德五年進士選翰林庶吉士方會試時熙當為次卷主司以其語奇第五

示與諸經魁齊熙才高志大羣試翰林屢居優等然言論風采峭直英發人頗憚之出為潮州府通判以文章為事酬應無虛日晚歲尤加意於古賦日誦數不厭年八十八卒

方德

初字孟仁奉化人四世同居百口共爨子四人從子十一人以其貲產均分之凶年煮粥以

食餓者鄰人鄭氏以貧鬻女為人婢德初為贖還之其自奉甚薄而性樂施與多類此與弟德全並美德初年八十卒

方素易

樂平人永樂中以通政奉命諭交趾叛寇陳季擴還奏稱旨除桂陽同知有鋪卒訴年老

惟一子為虎所噬素易為文檄山神明日虎死道側

方謨

字昌言歸安人父闕永樂舉人歷知五縣皆有政績謨正統舉人任建德教諭陳恭愍視學南

幾舉以自代陞翰林院檢討後卒天資孝友其設教以身率士不為章句文字之學

方勉

歙人登永樂間進士第歷官監察御史出按江浙斷獄平恕全活甚多擢湖廣兵備僉事洞獠

寧謐轉叅議督理糧儲陳言二十二年七十有八歲事皆便於民致仕卒

方銓

字景衡新城人天順鄉舉中乙榜任安陸州學正銓專治易理學通明加意立教諸生有習他

經者訪鄰郡明經者為具幣遣師之以身為教恩義魚盡成就之士甲于一時

方佑

桐城人天順間進士監察御史風采凝峻人不敢干以私凡所巡歷目為真御史廣西全城之

功最奇為忌者中傷出知攸縣縣稱治擢桂林知府甫八月致仕歸結屋萬松間足不及城市

超然自得為皖中人望

方昇

臨湘人成化乙酉鄉薦第一登丙戌進士性寧靜有文行楊少傳一清嘗從之游拜監察御史

所按治處咸著清直聲有所奏劾不避權勢時稱真御史尋遷江西按察副使卒于官卒之日

篋中惟衣服二三藥士夫咸恤之

方向

字與義桐城人成化進士授南京戶科給事中南京權貴怙寵向特持風裁王端毅公嘗曰方

給事真男子弘治乙丑以天變劾守備太監陳祖生下獄謫多羅驛丞有聲動天下歷知府向勁節直氣不可屈撓所交若九峯孫公見素林公榮墟儲公咸一代偉人弟問領鄉薦任天台

知縣以循良稱

方見

字惟素桐城人鄉賢向之子少貫經史擅才華蜚聲士林屢舉于鄉弗偶遂隱居赤城敦行修

義恂恂然與鄉人羣世味紛囂泊如也或操觚賦詩動千百言不竭沉淡雅潤卓有古人風所

著有南
淙稿

方良永

字壽卿福建莆田人弘治三年進士正德初為河南僉事以不肯謁劉瑾勒致仕瑾誅復

起歷陞浙江左布政使時錢寧以鈔二萬發浙江十一府易銀三萬餘兩良永上言今四方羣盜甫息瘡痍未起邊塞多虞浙東西諸郡自冬徂春雨雹為災蠶麥不利待哺之民嗷嗷千里此何時也臣苟隱忍不為陛下言之則已斂之財必入錢寧之手而民心傷矣民心傷則邦本動搖陛下寧不為之寒心乎臣惟錢寧藉寵以來陛下之賜予無算四方之餽遺不貲篋筭之中必不少此又不病狂喪心何乃為此負恩之賊伏乞陛下割偏私之愛下之詔獄明正典刑

仍乞急行巡按浙江監察御史將已歛鈔銀盡給還民則民怨猶可慰解臣死且甘心倘不以臣言為然置之不問日復一日尾大不掉必釁食軍民肆無厭之求出於尋常所不料者陛下於是時悔之晚矣疏入錢寧頗懼乃委過下人遣衛卒追所發鈔而以價銀還之民時寧怙寵恣橫舉朝無人敢言者獨良永亟攻之寧憾之不置良永三上疏乞休以避其害黃輦稱良永此疏足落權姦之膽宇

宙間不可無此一舉

方鳳

字時鳴崑山人兄鵬官史氏至庶子鳳以正德間拜御史時寧藩反形未具即疏言胡世寧就

逮其言欲以安宗室請無罪之王守仁在今日可任用皆豫為逆藩計出按畿內當乘輿南狩有所需抗言不能奉明詔者七事尤憤激聞者齟舌一謂索婦女納之行宮一謂使服嬖倖服

凜有直氣又極言災青宜急修德祇崇天戒危
言數進未嘗有所觀望肅宗時大禮議興即率
同列言繼統追孝不得顧私親大忤旨凡鵬時
亦頗是乎敬等議移書諭之持之愈力累二疏
皆言廷臣始議不可奪不報又論司農計所以
紓民力者數事用事者以其論議漸廣遂補外
未上會卒

方豪

字思道開化人正德戊辰進士以文章飾吏事
蒞政寬平敏于剖斷固園常空宋相文潞公墓

祠歲久傾圯顏魯公碑亦湮沒皆表章修治之
後陞刑部主事邑民不忍其去攀留久之為立
去思碑負磊落不羈之才勵超忽無求之志高
視遠覽發諸聲詩自號棠陵子官至提學副使

方獻夫

字叔賢南海人正德辛巳進士仕至
少師大學士吏部尚書卒謚文襄

方鈍

字仲敏巴陵人正德辛巳進士歷戶部尚書

方新

字德新號定溪青陽人嘉靖丙辰進士為監察御史擢徐州兵備言事放歸

章

河間商音齊太公支孫封鄆因氏又望出南郡豫章

周

章子

齊威王將

章邯

字少榮秦將收趙滅韓有功封雍王

漢

章明

新繁人累官至大中大夫王莽篡位明歎曰不以一身事二主遂自殺

南
北
章華

字仲宗吳興人家本農夫至華獨好學與士君子游處頗通經史善屬文侯景之亂游嶺南居

羅浮山寺專精習業歐陽頠為廣州刺史署為南海太守頠子紇敗乃還都後主除太市令非

其所好乃辭以疾。禎明初，上書極諫，其畧曰：昔高祖南平百越，北誅逆虜，世祖東定吳會，西破王琳，高宗克復淮南，闢地千里，三祖之功亦至勤矣。陛下即位于今五年，不思先帝之艱難，不出天命之可畏，溺於嬖寵，惑于酒色，祠七廟而不知拜嬪妃，而臨軒老臣宿將，奔之草莽，諂佞讒邪，升之朝廷。今疆場日蹙，隋軍壓境，陛下如不改弦易轍，臣見麋鹿復游於姑蘇矣。書奏，後主大怒，即日斬之。未幾，隋軍至，陳遂亡。

章昭達

字伯道，武康人。輕財尚氣，少時遇相者曰：卿容貌甚善，須小虧則富貴及拒侯景中流矢。

眇一目，陳文帝為吳興太守，因委以將帥累功，除都督江州刺史，封邵陵郡公，進位司空。

唐

章成緬

於潛人家，貧篤學事親，著至行，喪母廬墓，烏鵲來巢，麋鹿共處，貞元中表其門人以章孝。

標稱之

章孝標

錢塘人元和舉進士下第作歸燕詩上考官

庚承宣云積累危窠泥已落今年欲向社前
歸連雲大廈無棲處更傍誰家門戶飛上知舉
侍郎子碣登進士亦有詩名後竟流落不知所
終

章全益

涪城人少孤爲兄全啓所鞠母病全啓割股
膳母及全啓亡全益服斬衰斷手一指以報

不畜妻童僕處一室

紫居成都四十年號章孝子

章碣

詩人趙安石隨高閑朝相中觸石作詩譏之
曰懶閑珠玉望樓臺眉目連娟幸不開縱使東

歸也無益君王
自帶玉人來

五代章思廉

遂昌人得道靈異之迹見于處州天慶觀有章真人畫像自贊云狂走不坐端立懶眠默

而又默顛而不顛漏身走脫且守三田人以為怪我得自然

章仔鈞

泉州人五代時為建州刺史因家浦城嘗出兵二將後期欲斬之其妻練氏救免二將後

事南唐破建州練時寡居二將遺以旗曰吾欲屠城宜植旗於門可免練反其旗曰願全此城

不然吾家與眾俱死耳二將遂不屠城

宋

章頻

字簡之浦城人真宗時與弟岷試禮部預選會詔兄弟毋得並舉頻即推其弟弃去後六年乃

擢第歷知數州以刑部郎中使契丹卒子開官至三班奉職

章頤

字朝宗浦城人咸平初詣闕言時政得失不報後登第累官職方郎中

章譽

雙流人博通經學尤長易太玄著發隱三篇蜀守蔣堂等以逸民薦賜粟帛再命州助教不就

嘉祐中賜號冲退處士譽亦以道自裕
遵生養氣憂喜是非不一撓其心形

章峴

字伯瞻岷弟中天聖八年進士治平中為廣南西路提典刑獄官至金紫光祿大夫

章俞

字咨臣登景祐元年進士除蘇州吳縣主簿累官至職方郎中致仕

章訢

字天和俞之族也天聖中試禮部上黨有蓋拊者亦預計偕忽夢神告曰建州章天和作狀元

汝必登第拊至京訪訢具述其夢既而三舉不利慶厯間復到省題詩於邑之泗州嶺菴壁云
十年三上未登科此去行期畫錦過上黨有人
傳預兆夢生頭角見天和還於賈黯榜中第嘉
祐二年訢子衡作大魁拊是年始特奏名神物
之戲人如是官至潤州刺史累封左光祿大夫

章得象

字希言浦城人舉進士知玉山縣歷知數州為人莊重深厚有容持守法度仁宗時累官

翰林學士承旨同中書門下平章事兼樞密使在中書八年宗黨親戚抑而不進封郇國公卒

謚文憲

章望之

字表民得象子志氣宏放長于議論初為校書郎後歐陽修吳奎等薦除建康軍判官不

赴遂以光祿寺丞致仕望之嘗著救性七篇明統三篇禮論一篇又有歌詩雜文數百篇

章衡

字子平浦城人嘉祐初進士第一歷知數州嘗使遼燕射連發破的遼以為文武兼備異待之

又嘗進編年通載十卷神宗覽而善之後以集賢學士知潁州

章穀

字仲弓至和間進士授興遠簿遷資州軍事判官為政尚愷悌入為著作郎賜緋衣銀魚出通

判秀州初至米價踊貴過價勸糴民賴以安有寇千餘殺掠沿海州郡殺軍出隘口防禦明日

寇至督戰溺死又明日寇大至大敗之民賴以寧

章瑛

太平人慶厯進士厯官鎮江通判有治聲後拜殿中侍御史彈擊無所避尋出為江西安撫使

知江州以忤丁大全解職再召辭不起

章友直

浦城人自少卓犖不羈讀書通大義不肯選舉而才亦出羣皇祐中近臣言其文章善篆

有旨召試解馬後太學篆石經近臣又薦之召往經成除試將作監主簿不就

章綯

字質夫頻孫浦城人試禮部第一知陳留縣以最聞以集賢學士知渭州與夏人屢戰有功平

夏之敗夏人不復能軍歷官同知樞密院子七人絳綜綵緇緘續

章緯

字伯成，崇長子。中熙寧九年進士，除提舉江東常平，入對上，面諭與換在京差遣，以便侍養，遂

改授開封府推官，轉戶部員外郎。丁父莊簡憂，服除，擢淮東提刑，會祭京更鈔法，江淮富商變

為流丐，赴水死者相繼。上言變法誤民，請如初，以存大信。京怒，罷緯降兩宮竄台州，復通州秀

州終戶

部郎中

章綜

字子京，崇第三子。中進士第一，調洛陽簿。時范純仁為尹，一見待以國士。韓玉汝、李邦直俱以

文行名于時，官至龍圖閣學士。

章縱

字君邃，僉判西安州。為蔡京所誣配沙門，時論寃之。後復崇政殿秘書郎。

章粹

字仲容，元豐二年以上舍擢進士。第初調上黨簿，秩滿遷防禦判官，陟廬江縣令。有巫覡以禍

福感衆官不敢問竟究其姦罪之衆惑亦解除
魏王宮教授不及赴任改太府寺丞考簿籍之
謬誤得羨財幾千餘萬通判恩州百廢具舉適
河流湍溢郡人大恐粹增卑培薄迄以無虞樞
密鄭公居中薦於朝

章公量

字寬夫少好學元祐間從歐陽文忠公脩會
南豐輦游隱居讀書崇寧間王珪薦之不起

黃山谷庭堅為作墓碣蘇
文忠公軾題額以表之

章元振

字時舉知秦寧縣建炎初盜賊日起元振據
險立寨遷民帑庾於中與百姓堅守闔境獲

全紹興中知肇慶府改廣東提舉與
秦檜同登第甘於遠宦未嘗以私檜

章瑑

丹徒人事親盡孝母亡思慕切至墓上枯竹
復生子孫相繼以經學顯用人謂孝行之報

章雲就

麗水人建炎中賊將逼處州守臣梁頤古募能說賊者雲就應募遇賊于荆坑諭之使降

賊許諾賊既至城下官軍掩至賊以為賣已遂被害後人立祠於州治祀之

章公弼

餘干人紹聖初舉進士授建寧主簿聞朝廷廢劉摯范純仁託疾不起尋丁母憂廬墓三

年宣和間為禮部侍郎疾歸有文集若干卷

章元任

字莘民紹聖甲戌進士為溧陽令時值大水道殣相望元任以糴于官并諭大姓出粟爰

舍煮糜以飼之任終朝奉大夫元任有幹畧仕州縣四十餘年不盡其才然無不足之歎

章夏

寧國人性至孝工為古詩入太學預開封府薦第一登大觀進士歷官潭州通判所至有惠愛

然不事表襮以故鮮有知者

章宴

字季常寧國人少力學好修登宣和進士除丹陽令嘗修練湖督役有方民不告勞歷知太平

婺州所至以廉謹惠愛稱家無留貲踰年奉祠卒

章壽

字彥博宣城人以父蔭補官歷廷尉例免起知蘄州寬平不擾蘄產笛簾例克苞苴壽斥去之

擢提點湖南刑獄前州將兵劫守臣為亂壽誅其首惡餘皆論遣後拜刑部侍郎壽素練憲章每議獄傳以經術時論推其平反孝宗亦嘉其不觀望也以疾奉祠加集英殿修撰

章節夫

字仲制臨川人少穎悟從象山先生默契繩尺象山語之曰便豎脊梁要做到了節夫佩

服師訓博通諸經深造自得嘗取象山晦翁辭異旨同處集而疏之名曰修和管見晚年所守益固從學者衆卒年七十九自號從軒著書數萬言子子先登嘉定九年第仕至吉水令

章誼

字宜叟浦城人崇寧中進士通判杭州南渡初苗劉作亂誼奮然面折逆黨事定遷殿中侍御

史立朝論事奏疏無慮數十百皆經國濟時之策官至端明殿學士卒謚忠恪

章岷

字伯鎮浦城人為兩浙轉運使有能名性剛介不屈人目為章硬頸知蘇州務愛民力民甚德之

章岵

字伯望知蘇州時河海暴風民多漂溺岵巡視賑恤請蠲田租人不失所鉏治姦吏豪右畏懼政以最聞下詔褒之

章才邵

字希古篤學能文世稱為篤實君子喜吟詩晚年間居與朱晦翁游

章遵

為揚州刺史行部聞道旁女子哭聲不甚哀問之云夫遭燒死遵救吏輿屍到令人守屍曰當

有物自往吏白有蠅聚繩頭所遵令
披視得鐵錐貫腦考問以淫殺夫

章賁

宣和六年進士遭時離亂棲遲九華高宗中興
初授主簿再轉為丞時秦檜執政欲以掌故處

之賁不願留授武威軍節度判官
至奉議郎邑人奉之刻像於學

章甫

字端叔吳人知壽春縣進孟子講義詔付秘書
省除國子教授崇寧初除都官郎中抗言元祐
黨籍之禁非出陛下本意上
優容之子八人憲最知名

章穎

字茂獻新喻人以兼經中鄉薦孝宗初立求言
穎為萬言書以聞累官左司諫疏論右相葛邲
不足任大事寧宗時為侍御史兼侍講又論趙
汝愚不宜去被罪家居後起為刑部侍郎卒謚
文肅其操履風節不為窮達所
移雖仕多偃蹇而清議與之

章授

字榮之得象從孫少從得象游京師學擅詞場省試第一用陳瓘薦知海州

章憲

字叔度樂道好德操履高潔鄉里稱為隱君子游於楊時朱震諸公間尤邃於春秋

章元崇

字德昂歙環溪人父愈元崇博通諸經尤長於春秋兩冠軍鄉書占南省前名特授於潛簿

築堂讀書於古城溪人號環溪先生有著述數卷名蟹螯集終奉議郎有周易釋傳尚書演義

學詩管見春秋大旨四書管見兩漢筆記蜀阜集冠婚記百行冠冕集學者稱融堂先生

章樵

號峒麓昌化人相得象之胄也父翊迪功郎主徽州婺源簿兄樵登熙初進士第主信州玉

山簿樵嘉定改元登進士第歷海州高郵山陽教官尋知連海軍一再上時相書力陳李全必

叛劉瑋不可任重後全作亂郡官多被其禍獨樵率諸生盛服坐堂上講誦賊至斂刃而退後

宰吳縣通判常州皆以廉公著稱侍御史洪咨夔舉其有守召監登聞鼓院尋以疾丐歸授朝散郎知處州事卒樵學宗伊洛議論通暢識達時務所著書有集曾子十八篇章氏家訓七卷

補注漢膠西相春秋繁露十八卷注補古大苑二十卷行于世

章汝鈞

廣德人淳祐進士授國子監書課官召居館職首以厚人倫扶國綱為對以秘書正字家

居里人多以差役廢家汝鈞與郡人梅應發力舉義役行之隣郡多傲焉後除秘書郎有文集

章鑑

字君實樵之從姪也登嘉定癸未進士除溫州永嘉主簿通判吉州歷將作少監轉太常丞出

知衢州復召入資善堂為講官遷國子司業兼修國史侍讀進大府卿端平更化鑑首上封事復召為講官兼掌內外制時相專政鑑極論其蠹國且乞罷職嘗上疏有云進人不可太銳聽

言不可不察又言流民失業有司不以告下情未易通也除兵部侍郎兼給事中告老不許為華文閣待制爵錢塘縣開國伯鑑天姿穎悟為文立就為人忠直淳厚事有功于時者必為上精言之時相疾其正論每怵以禍福鑑不為動深為理宗所知所著友山文集十卷奏議十卷內外制資善講讀若干卷

章鑄

字子壽吳興人仕為修職郎謫直敢言宋亡歸隱于家元世祖召之不就自以世食宋祿未嘗

北向宋人之仕于元者鑄皆絕之不與往來世高其節

章康

字季思吳人安貧樂道居城西田屋麓結閉戶不染世俗出入徒步人尊稱之曰聘君

章如愚

字俊卿金華人舉慶元進士仕至朝奉郎國子博士好學多聞所著有山堂考索

章如旦

字希周咸淳進士官至撫州僉判元兵圍襄陽得江萬里書言呂文煥降泣不食者三日

與安仁陳陽往信州見提刑謝枋得會枋得與張練帥議勤王大喜至弋陽得入神廟卜如旦

曰今國家大勢如此人何疑哉為臣子者盡忠孝而已枋得顧陽曰壯哉章希周及元兵圍饒

州枋得屯兵安仁如旦率黃萬全曾和兵迎之枋得至餘干後退安仁以如旦挾張孝忠待敵

既而饒州降餘干亦降元兵攻安仁至團湖孝忠戰死如旦萬全敗走尋死

元章仕堯

平陽人元時科舉方尊程朱之學仕堯精研單思發明四書旨意嘗曰時之治亂由人心

之邪正人心之邪正由學術之醇疵識者以為名言

章迪

字允德臨川人能文章有才畧為行省掾元至正十六年吳廉使奉詔捕江西盜辟迪為行省

檢校時劇寇胡志學據撫州民不勝其酷迪率兵討而誅之一郡遂定左丞和爾齊忌其功名還省殺迪帳下冤之

章嘉

號春谷平陽人為永嘉縣學教諭大德元年七月郡風潮海溢浙東僉憲完顏貞浙閩都司鮮

于樞按視賑恤嘉作風潮賦上之憲司與帥聞交薦于朝授翰林國史院編修官至大庚戌修温州路志延祐己未自翰林還里重修東甌志

明

章溢

字三益龍泉人元末統鄉兵保捍鄉土本朝擢浙東按察司僉事胡深兵入閩陷沒處境復驚

陞溢為副使往鎮撫之溢至閩誅其首叛者數人民乃定又奏減處州稅停海舟木罷鄉兵歸農官至御史中丞兼太子贊善

章復

鄱陽人初仕元為行省郎中洪武初以儒業應召授金華府同知勸民耕稼歲獲豐稔後以功

陞知保寧府致仕

章衡

諱澧以字行七歲失怙家業漸替稍長竭力奉母雖窮約務得其歡兄臥病躬侍湯藥及

歿敬寡嫂如母而撫三孤姪如己子遊庠校勵學預洪武庚午鄉薦二親及嫂繼歿久弗克葬晝夜悲號隣黨感其孝誠皆賻以襄事會試中第二賜衣二襲擢教授於建昌卒年五十九子以闕正統辛酉鄉試第一為唐縣教諭

章廷璦

字晉臣又名中夫醴泉人洪武間舉明經授行人奉敕山東科斷藩憲重臣之不律者繼

璦獨守法免子士淳進士任同知

章順舉

字元凱甘羅鄉人隱居陽臺村容貌魁偉博學多聞與鄉人言議論英發洪武十八年有

司以人材薦詔許入朝上奇之曰授爾方面何如對曰臣總有大綱轄得有司上悅授以河南

右布政使尋陞廣西左布政使所至有惠政焉

章敬

字尚文會稽人永樂甲申進士入翰林為庶吉士積學中秘預修永樂大典五經性理大全諸

書授刑部郎中屢辯冤獄人服其明官至禮部左侍郎

章良民

字士良七歲喪父九歲喪母連年悲啼人不堪其孤哀賴伯氏山民以長以教入邑庠窮

經力學然自二親背遭家多艱歲復不登莫克葬事悲慟如袒括時極力殫貲始克合葬永

樂間膺貢太學擢行在刑科給事中夙夜精勤小心慎密出納敷奏必關允糾違駁失咸

服至公

章以善

字尚明會稽人永樂甲申進士歷知府

章信宗

字允承會稽人永樂辛丑進士任御史

章文

浙江仁和人宣德元年由舉人任同安縣學訓導為人持重不苟其教以身先之課文欲其典

則不尚浮靡後累官南京禮部尚書兼太常寺卿

章珪

字孟端常熟人篤學有志奉母克孝宣德初應求賢詔授廣東按察司知事薦擢監察御史秉

心直諒果敢有為出巡畿甸值歲荒旱奏蠲逋稅六十餘萬斛全活甚衆辨疑獄釋茹冤前後七十人頌聲載道正統八年因廷論大臣不職罷歸杜門教于儀舉鄉試官國子助教表解元

登進士任參議格律亦皆登進士格任大理卿
律任左副都御史制詞有勇退邱園名聞朝野

之褒人擬其如

燕山竇氏云

章瑄

字用輝登進士授職方主事出守山海關時中
貴魏榮領神鎗縱所部京校假冒試習侵關事

後府舍人王延倚藉宮掖得管押戍卒往往迫
淫其婦攫其囊且盡瑄並奏悉寘諸法御馬指
揮都監脫人亦有寵於英廟命使朝鮮而無關
符瑄持之不奉詔脫馳奏上震怒繫瑄關下言
官直之乃釋尋遷車駕郎中
進行太僕寺少卿得請罷歸

章瑾

字用欽會稽人正統丙
辰進士歷刑部侍郎

章繪

字尚素鄞縣人正統
己未進士歷布政使

章亮

字文煥會稽人景泰辛未進士歷知府

章規

字守規鄞縣人景泰辛未進士歷苑馬寺卿

章格

字紹鳳珪子也格為郎官時凡以訟自言者推至誠待之人無敢匿其情種善為獄遷按察嶺

南行海徽有琉球使人貿易他國風於境上有司執焉欲以為戮上其功格不可疏言夷素服從不能恤其患而顧可助天為虐卒資遣之再領雲南符緬夷反覆綏之誠信遂皆歸心已而入為光祿南京又移大理無何乞歸格涉數中外更五十年再至九卿其功名亞於其父而長者似之

章儀

字來鳳御史珪之長子與弟格同科有司為立聚奎聯璧二坊由教諭陞兩京國子助教典京

闡山西河南文衡致仕家居杜門不出年八十而卒為人厚重鄉人敬之

章表

珪子選翰林院庶吉士轉行人陞刑部郎中廣西叅議為人志銳氣剛崖岸壁立

章律

字鳴鳳常熟人登進士第任刑部主事守法不阿明敏果決部長羨其能陞知保定府路當衝

要處之裕如豪強斂跡民賴以安陞雲南叅政廣西右布政使率兵禦苗寇有功賜食二品祿轉貴州左布政使未幾進擢都御史巡撫雲南貴州尋召還掌南京都察院事風聲凜凜遠近肅然後以嘗被其辱者誣之事白辭歸卒

章綸

字大經樂清人正統四年進士景泰初為儀制郎中適國家多故綸知無不言言無不盡北敵

也先索使通好綸言宜暫結往來之盟以待天時人事之至又因災異請下詔求致災之由上

示撤樂減膳之敬下推捐俸救民之仁節濫賜
之費罷補官之俸慎差遣之擾簡義
諸事皆極剴切英宗皇帝

闕

闕

闕

闕

闕

闕

章懋

字德懋蘭谿人成化二年舉禮部第一登進士翰林為庶吉士時大學士劉定之署教事試

以玉堂疏圃詩懋有問公儀休拔却園中葵之句又試中秋賞月賦懋賦云天下之人有罹

悲愁羈患難貧窮孤苦者見月則不樂惟高官厚祿身享太平無事之日者見月則樂也劉怒

以輕薄目之踰年授編修舉張燈故事命下製詞懋與同官莊昶黃仲昭上疏論諫俱謫外懋

為臨武知縣先是修撰羅倫疏論大學士李賢不當奪情起復亦謫時稱翰林四諫上尋悟命

懋昶仲昭仍改南大理評事遷福建按察僉事毅然以振風紀為己任而事多掣肘不得盡行

所志行部積勞觸瘴成疾考績赴部遂乞謝事時年僅四十有一歸即杜門却掃足跡不踐城

府四方弟子從游請業者甚眾家居二十餘年元臣臺諫論薦無虛日咸以出處卜天下之安

危弘治中特起為南國子祭酒時遭父喪守制
詔添設司業仍虛席以待終制既而服闋赴任
諸生觀德翕然向風人人自以為得師正德改
元三疏乞歸陞禮部侍郎致仕嘉靖初進尚書
卒謚文懿學者
稱為楓山先生

章銳

字元進
進士
鄞縣人
成化

章玄應

字順德
綸子
成化
乙未進士
歷布政使

章拯

字以道
蘭谿人
文懿公從子
弘治壬戌進士
授工部主事
仕至工部尚書
致仕卒謚恭惠

章嵩

字士瞻
涇縣人
弘治進士
除戶部主事
風度端雅
瞻於詞章
試禮部時
傅公珪知貢舉
得卷奇

之欲置首選
衆論不一
遂刻經義一篇
士論譏之
年九十卒

章爵

字舜卿隨州人中鄉試解元弘治間知縣上猶才識通敏遇事敢為作新學校修鑿城池保禦

地方遠近晏然興論至今稱為賢令

章僑

字處仁蘭谿人正德丁丑進士歷布政使

章書

字弘載餘千人正德甲戌進士歷布政使

章煥

字懋實興縣人嘉靖戊戌進士歷官都御史撫治鄖陽煥忠信宏厚廉靖方嚴好古力學不屈

于權勢蒞襄陽首新學校凡殿堂齋廡次第修舉與諸生議論疊疊不倦慮樊城古要害地建議築城親自督率視如家事處宜城驛馬區畫周悉民情大愜政事文章當時推重數郡士民至今稱頌以為無愧於古人云

章袞

字汝明臨川人幼孤苦勵學不懈嘉靖壬午以詩魁鄉試癸未登進士第授御史提督南畿學

政袞為人狷介及是闕

立自樹端嚴矩範士習蹶興諸請闕

推官稍遷松江同知諸生相從講學者衆乃授以學庸口義於傳註外多所發明累進陝西提學副使陳乞休致不俟報即行所著章子瑣言詩文凡若干卷

章美中

字道垂吳縣人嘉靖丁未進士歷江西僉事忤嚴相五載始遷廣西叅議歷四川副使告

歸貧不能著業僦舍以居束身為儉約守令有造請闕不敢闕為人嚴毅寡言笑而中實冲然

不自足吳中稱往闕云

章忱

字開會稽人嘉靖戊戌進士歷知府

章允賢

字汝愚青陽人嘉靖己丑進士歷給事中

章士元


字伯允吳縣人嘉靖甲辰進士歷布政使

章世仁

字元卿青陽人嘉靖丁未進士歷叅議

章煥

字叔晦會稽人嘉靖辛丑進士歷僉事



萬姓統譜卷四十九